

**ՀՀ Կենտրոնական բանկի նախագահի
Որոշում N 1/306Ա**

28/04/2006

**«ՀՀ պետական պարտատոմսերի երկրորդային շուկայում գործառնությունների
իրականացման համաձայնագրի» օրինակելի ձևը հաստատելու վերաբերյալ**

Հիմք ընդունելով «Հայաստանի Հանրապետության կենտրոնական բանկի
մասին» Հայաստանի Հանրապետության օրենքի 18 հոդվածը՝

որոշում եմ՝

1. Հաստատել «Հայաստանի Հանրապետության պետական պարտատոմսերի
երկրորդային շուկայում գործառնությունների իրականացման համաձայնագրի»
օրինակելի ձևը՝ ըստ Հավելվածի:
2. Սույն որոշումն ուժի մեջ է մտնում ստորագրմանը հաջորդող օրվանից:

**Հայաստանի Հանրապետության
կենտրոնական բանկի նախագահ՝**

Տիգրան Սարգսյան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ
ՊԱՐՏԱՏՈՄՍԵՐԻ ԵՐԿՐՈՐԳԱՅԻՆ ՇՈՒԿԱՅՈՒՄ
ԳՈՐԾԱՌՆՈՒԹՅՈՒՆՆԵՐԻ ԻՐԱԿԱՆԱՑՄԱՆ ՀԱՍՏԱՉԱՅՆԱԳԻՐ**

Թիվ -----

ք. Երևան
թ.

«-----» «-----» 200---

Հայաստանի Հանրապետության կենտրոնական բանկը (այսուհետ՝
Կենտրոնական բանկ), գործելով համաձայն «Հայաստանի Հանրապետության
կենտրոնական բանկի մասին» Հայաստանի Հանրապետության օրենքի, ի
դեմս Կենտրոնական բանկի նախագահ S. Սարգսյանի, մի կողմից, և -----
----- բանկը (այսուհետ՝ Բանկ), գործելով համաձայն Բանկի
կանոնադրության, ի դեմս գործադիր տնօրեն (վարչության նախագահ)՝ -----
----- մյուս կողմից (այսուհետ՝ Կողմեր), կնքեցին սույն
համաձայնագիրը հետևյալի մասին.

Հոդված 1. Համաձայնագրի առարկան

Կողմերը Հայաստանի Հանրապետության քաղաքացիական
օրենսգրքի, այլ իրավական ակտերի և սույն համաձայնագրի շրջանակներում
երկրորդային շուկայում կնքում են Հայաստանի Հանրապետության պետական
պարտատոմսերի առքի կամ վաճառքի գործարքներ:

Հոդված 2. Ընդհանուր դրույթներ

2.1 Սույն համաձայնագրի իմաստով՝

- Արժեթուղթ՝ Հայաստանի Հանրապետության ֆինանսների և էկոնոմիկայի
նախարարության կամ Կենտրոնական բանկի կողմից թողարկված
արժեթղթեր.
- Գնորդ՝ գործարքի կատարման օրը սեփականության իրավունքով
Արժեթղթեր ձեռք բերող.
- Վաճառող՝ գործարքի կատարման օրը Արժեթղթեր օտարող.
- Հայտ՝ Բանկի կողմից Կենտրոնական բանկ ներկայացված Արժեթղթերի
առքի կամ վաճառքի գործարք կնքելու առաջարկ (հավելված 1 կամ 2).
- Գործարքի հաստատում (մասնակի բավարարմամբ հաստատում)
Կենտրոնական բանկի կողմից Արժեթղթերի առքի կամ վաճառքի գործարք
կնքելու հաստատում կամ մասնակի բավարարմամբ հաստատում
(հավելված 3 կամ 4).

- Հայտի մերժում՝ Բանկի կողմից Կենտրոնական բանկ ներկայացված հայտը Կենտրոնական բանկի կողմից մերժելու մասին ծանուցում (հավելված 5).
- Գործարքի կնքման օր՝ Բանկի կողմից Կենտրոնական բանկ գնման կամ վաճառքի հայտի ներկայացման և Կենտրոնական բանկի կողմից համապատասխան հայտի հաստատման օր.
- Գործարքի կատարման օր՝ Կենտրոնական բանկի կողմից դեպո կամ թղթակցային հաշիվներին գործարքին համապատասխան միջոցների փոխանցման օր .
- Տոկոսադրույք՝ Կենտրոնական բանկի կողմից հայտարարվող տոկոսադրույք.
- Պահառու՝ Արժեթղթերի հաշվեգրումն իրականացնող ենթակառուցվածք: ՀՀ ֆինանսների և էկոնոմիկայի նախարարության և Կենտրոնական բանկի կողմից թողարկվող պարտատոմսերի Պահառուի գործառույթներն իրականացնում է Կենտրոնական բանկը՝ ապահովելով տեղաբաշխման, շրջանառության և մարման սպասարկումը:
- Դեպո հաշիվ՝ Պահառուի կողմից վարվող Արժեթղթերի հաշվառման հատուկ հաշիվ.
- Գործառնական օր՝ Կենտրոնական բանկի աշխատանքային օրվա ժամը 10:00-ից մինչև ժամը 17:30-ը.
- Աշխատանքային օր՝ օրենքով սահմանված տոնի կամ հիշատակի ոչ աշխատանքային օրերից և շաբաթ կամ կիրակի օրերից բացի ցանկացած օրացուցային օր:

Հոդված 3. Արժեթղթերի առքի և վաճառքի գործառնությունների հաշվարկների իրականացման կարգը

3.1 Բանկը Կենտրոնական բանկ հայտ է ներկայացնում՝ հիմք ընդունելով Կենտրոնական բանկի կողմից հայտարարված տոկոսադրույքը:

3.2 Բանկը Կենտրոնական բանկին հայտ է ներկայացնում տվյալ գործառնական օրվա ժամը 10.00-12:00-ը:

3.3 Գործառնությունների հաշվառումն իրականացվում է Բանկի ----- դեպո հաշվի միջոցով:

3.4 Գործարքների հաշվարկները կատարվում են բացառապես առաքում՝ վճարման դիմաց սկզբունքով:

3.5 Հայտը ներկայացվում է «Սի Բի Էյ նեթ» համակարգչային ցանցի միջոցով՝ սահմանված արարողակարգերով: Եթե Բանկը տարբեր տեսակի վթարների հետևանքով (կապի խզում, մասնակցի հսկողության ներքո գործող տեխնիկածրագրային ապահովման անսարքություն և այլն) «Սի Բի Էյ նեթ» համակարգչային ցանցի միջոցով հայտը ուղարկելու հնարավորություն չունի, ապա այդ մասին տեղեկացնում է Կենտրոնական բանկի կողմից լիազորված

աշխատակիցներին և հայտը ներկայացվում է թղթային եղանակով (երկու օրինակից):

3.6 Կենտրոնական բանկը ներկայացված հայտի հաստատման (հեռախոսով կամ «Մի Բի Էյ նեթ» համակարգչային ցանցի միջոցով) կամ մերժման («Մի Բի Էյ նեթ» համակարգչային ցանցի միջոցով) վերաբերյալ Բանկին տեղեկացնում է մինչև տվյալ գործառնական օրվա ժամը 14:30-ը:

3.7 Սույն համաձայնագրով Կենտրոնական բանկին իրավունք է վերապահվում միակողմանիորեն մերժել Բանկի կողմից ներկայացված հայտը կամ այն բավարարել մասնակիորեն (հայտի մասնակի բավարարմամբ հաստատում):

3.8 Բանկը մինչև տվյալ գործառնական օրվա ժամը 14:30-ը չի կարող իր կողմից Կենտրոնական բանկ առաքված հայտը հետ կանչել:

3.9 Հայտը հաստատելու (մասնակի բավարարմամբ հաստատելու) կամ մերժելու դեպքում Կենտրոնական բանկը պատշաճ կերպով (հաստատված արարողակարգերով սահմանված կարգով) ծանուցում է Բանկին:

3.10 Եթե Բանկը մինչև հայտի առաքման գործառնական օրվա ժամը 16:30-ը Կենտրոնական բանկից սահմանված կարգով տեղեկանում է գործարքի հաստատման վերաբերյալ, ապա գործարքը համարվում է կնքված, և Կողմերը ստանձնում են սույն համաձայնագրով սահմանված իրավունքներն ու պարտականությունները, ինչպես նաև կրում են նախատեսված պատասխանատվությունը:

3.11 Գրամական փոխանցումներն ու արժեթղթերի հաշվեգրումները կատարվում են մինչև գործարքի կնքման գործառնական օրվա ավարտը,:

3.12 Կենտրոնական բանկին իրավունք է վերապահվում Կենտրոնական բանկում գտնվող Բանկի N----- թղթակցային հաշվից անվիճելի (անակցեպտ) կարգով գանձել սույն համաձայնագրի հոդված 5-ով նախատեսված տուժանքի գումարները:

Հոդված 4. Կողմերի պարտավորությունները

4.1 Կողմերը պարտավորվում են Հայաստանի Հանրապետության օրենսդրության շրջանակներում ապահովել կատարվող գործառնությունների գաղտնիությունը:

4.2 Կողմերը պարտավորվում են գործարքի իրականացման համար նախատեսված դրամական միջոցները կամ արժեթղթերը համաձայնագրով սահմանված ժամկետներում ապահովել իրենց համապատասխան հաշիվներին:

Հոդված 5. Կողմերի պատասխանատվությունը

5.1 Այն դեպքում, երբ Բանկը հանդես է գալիս որպես վաճառող, գործարքի կատարման օրվա դրությամբ իր դեպո հաշվին գործարքին համապատասխան

Արժեթղթեր չունենալու դեպքում վճարում է տուժանք՝ Կենտրոնական բանկի կողմից բավարարված գործարքի գնի 1%-ի չափով, իսկ հայտը և հայտի հաստատումը ուժը կորցրած են ճանաչվում:

5.2 Այն դեպքում, երբ Բանկը հանդես է գալիս որպես գնորդ, գործարքի կատարման օրվա դրությամբ իր թղթակցային հաշվին գործարքին համապատասխան դրամական միջոցներ չունենալու դեպքում վճարում է տուժանք՝ Կենտրոնական բանկի կողմից բավարարված գործարքի գնի 1%-ի չափով, իսկ հայտը և հայտի հաստատումը ուժը կորցրած են ճանաչվում:

5.3 Այն դեպքում, երբ Կենտրոնական բանկը հանդես է գալիս որպես գնորդ, գործարքի կատարման օրվա դրությամբ դրամական փոխանցումները չկատարելու կամ անպատշաճ կերպով կատարելու դեպքում դրամական պարտավորության կամ դրա համապատասխան մասի նկատմամբ վճարում է տուժանք՝ Կենտրոնական բանկի կողմից բավարարված գործարքի գնի 1%-ի չափով, իսկ հայտը և հայտի հաստատումը ուժը կորցրած են ճանաչվում:

5.4 Այն դեպքում, երբ Կենտրոնական բանկը հանդես է գալիս որպես վաճառող, գործարքի կատարման օրվա դրությամբ Կենտրոնական բանկի կողմից գործարքին համապատասխան Արժեթղթերը Գնորդի «դեպո» հաշվին չհաշվեգրելու դեպքում Կենտրոնական բանկը վճարում է տուժանք՝ Կենտրոնական բանկի կողմից բավարարված գործարքի գնի 1%-չափով, իսկ հայտը և հայտի հաստատումը ուժը կորցրած են ճանաչվում:

5.5 Կողմերը օրենքով սահմանված կարգով պատասխանատվություն են կրում սույն համաձայնագրով նախատեսված գործառնությունների վերաբերյալ տեղեկությունները երրորդ անձանց տրամադրելու համար, բացառությամբ «Բանկային գաղտնիքի մասին» Հայաստանի Հանրապետության օրենքով սահմանված դեպքերի:

Հոդված 6. Վեճերի լուծման կարգը

6.1 Սույն համաձայնագրի հետ կապված վեճերը լուծվում են բանակցությունների միջոցով՝ երեսուրյա ժամկետում: Սույն համաձայնագրով որևէ Կողմին ներկայացված առարկությունները վերջինիս կողմից ենթակա են պարզաբանման 3 աշխատանքային օրվա ընթացքում:

6.2 Առաջացած վեճերը բանակցությունների միջոցով չլուծվելու դեպքում լուծվում են Հայաստանի Հանրապետության օրենսդրությամբ սահմանված դատական կարգով:

Հոդված 7. Հատուկ պայմաններ

7.1 Սույն համաձայնագրի լրացումները և փոփոխությունները համարվում են օրինական, եթե վերջիններս գրավոր ձևով կազմված և համատեղ ստորագրված են Կողմերի կողմից:

Հոդված 8. Համաձայնագրի գործողության ժամկետը

8.1 Սույն համաձայնագիրն ուժի մեջ է մտնում ստորագրման պահից և գործում է անժամկետ:

8.2 Բանկի բանկային գործունեության լիցենզիան ուժը կորցրած կամ անվավեր ճանաչելու պահից Բանկը զրկվում է սույն համաձայնագրով նախատեսված գործարքները կնքելու իրավունքից:

8.3 Համաձայնագրի գործողության դադարեցման դեպքում Կողմերի՝ սույն համաձայնագրով ստանձնած և չկատարած պարտավորությունները ենթակա են պարտադիր կատարման, եթե Հայաստանի Հանրապետության օրենսդրությամբ այլ բան սահմանված չէ կամ եթե Կողմերը այլ բան չեն պայմանավորվում:

8.4 Սույն համաձայնագիրը կարող է դադարեցվել Կողմերից որևէ մեկի գրավոր դիմումի հիման վրա, որը պետք է ներկայացվի համաձայնագրի դադարեցման օրվանից մեկ ամիս առաջ:

8.5 Կողմերը պարտավորվում են եռօրյա ժամկետում գրավոր ձևով միմյանց տեղեկացնել իրավաբանական կամ փոստային հասցեի, վճարային ռեկվիզիտների, տելեքսի, հեռատիպի, հեռախոսի, ֆաքսի, «Սի Բի Էյ նեթ» համակարգչային ցանցի համապատասխան հասցեների և այլ փոփոխությունների մասին, որոնք ապահովում են սույն համաձայնագրով սահմանված դրույթների կատարումը:

Հոդված 9. Անհաղթահարելի ուժի ազդեցությունը (Ֆորս-Մաժոր)

9.1 Սույն համաձայնագրի դրույթները չկատարելու կամ ոչ պատշաճ կատարելու դեպքում Կողմերը ազատվում են պատասխանատվությունից, եթե այն հետևանք է հանդիսացել պարտավորությունների կատարման վրա էականորեն ազդող անհաղթահարելի ուժի և ֆորս-մաժոր համարվող պայմանների ազդեցության:

Հոդված 10. Այլ դրույթներ

10.1 Սույն համաձայնագիրը կազմված և ստորագրված է 2 օրինակից (յուրաքանչյուր Կողմին մեկական օրինակ): Երկու օրինակն էլ ունեն հավասար իրավաբանական ուժ:

Հողված 11. Կողմերի իրավաբանական հասցեները

Կենտրոնական բանկ
Հայաստանի Հանրապետություն
375010, ք. Երևան,
Վ. Սարգսյան փ. 6,
Հեռախոս՝ _____
Տելեքս՝ _____
Ֆաքս՝ _____

ՀՀ կենտրոնական բանկի նախագահ՝
Տ. Սարգսյան _____
Կ.Տ.

Բանկ
Հայաստանի Հանրապետություն

Հեռախոս՝ _____

Տելեքս՝ _____

Ֆաքս՝ _____

_____ բանկի
գործադիր տնօրեն (վարչության
նախագահ)՝
_____ Կ.Տ.

ՀԱՅՏ N -----

Արժեթուղթ վաճառելու համար

Ներկայացվում է համաձայն Կենտրոնական բանկի և «-----» բանկի միջև «----» «-----» 200- թվին կնքված ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի:

Առաջարկում ենք «-----» բանկից գնել Արժեթղթեր հետևյալ պայմաններով.

Արժեթղթի թողարկման համարը	Արժեթղթի մարման ժամկետը	Արժեթղթի անվանական գինը	Արժեթղթի վաճառքի գինը	Տարեկան եկամտաբերությունը
Ընդամենը				

«-----» բանկը ձեռք է բերում իրավունքներ և կրում պարտավորություններ համաձայն Կենտրոնական բանկի և «-----» բանկի միջև «----» «-----» 200 - թվին կնքված ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի համապատասխան դրույթների:

«-----» բանկ

Գործադիր տնօրեն (վարչության նախագահ)

Կ.Տ

«-----» «-----» «-----»թ.

ՀԱՅՏ N -----

Արժեթուղթ գնելու համար

Ներկայացվում է համաձայն Կենտրոնական բանկի և «-----» բանկի միջև «----» «-----» 200- թվին կնքված ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի:

Առաջարկում ենք «-----» բանկին վաճառել Արժեթղթեր հետևյալ պայմաններով.

Արժեթղթի թողարկման համարը	Արժեթղթի մարման ժամկետը	Արժեթղթի անվանական գինը	Արժեթղթի գնման գինը	Տարեկան եկամտաբերությունը
Ընդամենը				

«-----» բանկը ձեռք է բերում իրավունքներ և կրում պարտավորություններ համաձայն Կենտրոնական բանկի և «-----» բանկի միջև «----» «-----» 200- թվին կնքված ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի համապատասխան դրույթների:

«-----» բանկ
Գործադիր տնօրեն (վարչության նախագահ)

Կ.Տ

«-----» «-----» «-----»թ.

ՀԱՍՏԱՏՈՒՄ

Արժեթուղթ գնելու համար

Առաքվում է «-----» բանկին համաձայն Կենտրոնական բանկի և «-----» բանկի միջև «----» «-----» 200 - թվին ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի:

Ձեր կողմից «----» «-----» «200----» թ. ժամը «-----»-ին Կենտրոնական բանկ ներկայացված N ---- հայտը համարել ակցեպտավորված:

Արժեթղթի թողարկման համարը	Արժեթղթի մարման ժամկետը	Արժեթղթի անվանական գինը	Արժեթղթի առքի գինը	Տարեկան եկամտաբերությունը
Ընդամենը				

Կենտրոնական բանկը ձեռք է բերում իրավունքներ և կրում պարտավորություններ համաձայն Կենտրոնական բանկի և «-----» բանկի միջև «----» «-----» 200- թվին կնքված ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի համապատասխան դրույթների:

Կենտրոնական բանկ

Կ.Տ

«-----» «-----» «----»թ.

ՀԱՍՏԱՏՈՒՄ

Արժեթղթեր վաճառելու համար

Առաքվում է «-----» բանկին համաձայն Կենտրոնական բանկի և «-----» բանկի միջև «----» «-----» 200 - թվին ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի:

Ձեր կողմից «----» «-----» «200----» թ. ժամը «----»-ին Կենտրոնական բանկ ներկայացված N ---- հայտը համարել ակցեպտավորված:

Արժեթղթի թողարկման համարը	Արժեթղթի մարման ժամկետը	Արժեթղթի անվանական գինը	Արժեթղթի վաճառքի գինը	Տարեկան եկամտաբերությունը
Ընդամենը				

Կենտրոնական բանկը ձեռք է բերում իրավունքներ և կրում պարտավորություններ համաձայն Կենտրոնական բանկի և «-----» բանկի միջև «----» «-----» 200 - թվին կնքված ՀՀ պետական պարտատոմսերի երկրորդային շուկայում գործառնությունների իրականացման N «-----» համաձայնագրի համապատասխան դրույթների:

Կենտրոնական բանկ

«-----» «-----» «----»թ.

ՀԱՅՏԻ ՄԵՐԺՈՒՄ

Առաքվում է «-----» բանկին

Կենտրոնական բանկը համաձայն Կենտրոնական բանկի և «-----» բանկի միջև «----» «-----» 200--- թվին կնքված Հայաստանի Հանրապետության պետական պարտատոմսերի երկրորդային շուկայում գործառնությունների իրականացման N «----» համաձայնագրի 3.6 և 3.7 կետերի մերժում է Արժեթղթի առքի / վաճառքի գործարք կնքելու համար «-----» «-----» «----» թ. ժամը «-----»-ին Կենտրոնական բանկ ներկայացված N ----- հայտը:

Կենտրոնական բանկ

Կ.Տ

«-----» «-----» 200---